

SARS E LEFELA R2.4 BILLION YA DIPUŠETŠO TŠA DITEFELO KA NAKO YA GO ITSWALELELA

Pretoria, Mošupologo 30 Matšhe 2020 – Afrika Borwa bjale ka dinaga tše dingwe lefaseng e tšwelapele go lwantšhana le ditlamorago tša ekonomi le maphelo tšeo di tšwelagopele ka lebaka la leuba la COVID 19. SARS e tloga e lemogile ka botlalo ditlamorago tšeo di amago maphelo a batho ba rena, dikotsi tša kgwebo le ekonomi yeo e šetšego e goga ka kgara. Ka lebaka leo, re ikgafetše go tšwelapele ka go fana ka ditirelo tša pele tša SARS go fenywa maemo a sego botse.

Go phethagatša maikarabelo a, SARS e lekanyetša polokego ya badiredi ba rena, balefela motšhelo le bagwebi, mola re tiišetša gore ekonomi ya rena e kgona go sepela ka thelelo. Go tloga lehono, SARS e lefetše dipušetšo tša tšhelete go balefela motšhelo R2.4 billion mo matšatšing a mane a go itswalela, go tloga ka Labohlano la 27 Matšhe.

Dipušetšo di ama ditefelo tša Dikgwebo tše Kgolo R1.1 billion le ditefelo tša Dientapraese tše Nnyane, tša Magareng le tša Fase (SMMEs) tša R1.3 billion.

Ditefelo tša dipušetšo di emetše tšhelo e kgolo ya kheše ka go ekonomi ka nako ye ya mathata. SARS e ka kgona go dira se fela ge balefela motšhelo le bagwebi ba dula ba obamela ka go phethagatša boikgafo bja bona bja go faela le go lefela le ge go na le tswalelelo.

SARS e na le dikanale tšeo di hwetšagalago ka inthanete, e lego, MobiApp, eFiling, e@syFile, emeile le SARS Contact Centre (0800 00 7277) go phethagatša boikgafo bjo.

Balefela motšhelo le bagwebi ba kgopelwa go diriša dikanale tše go dira ditefelo tšeo di swanetšego go lefelwa pele ga 31 Matšhe 2020 le go dula ba obamela.

Gape go dula go le bohlokwa gore magoro a go fapana a kgwebo ao a gatelegilego a tšwelepele ka go obamela go kgona go fihlelela magato a kimollo ya motšhelo yeo mmušo o beakantšego go fenywa ditlamorago tša ekonomi tšeo di bakilwego ke leuba COVID-19.